



АКАФИСТ

Пресвятой Богородице
в честь иконы Ее
«Взыскание погибших»



Тропарь, глас 7

Радуйся, Благодатная Богородице Дево,/ во объятиях Своих Предвечнаго Младенца и Бога носившая./ Проси Его дати миру умирение и душам нашим спасение./ Сын бо Тебе, Богомати, вещает,/ яко вся прошения Твоя во благое исполнит./ Сего ради и мы припадающе, молим Тя/ и надеющиеся на Тя, да не погибнем,/имя Твое именуем:// Ты бо еси, Владычице, Взыскание погибших.

Кондак, глас 6

Предстательство христиан не постыдное,/ ходатайство ко Творцу непреложное,/ не презри грешных молений гласы,/ но предвари, яко Благая, на помощь нас, верно зовущих Ти:/ ускори на молитву и потщися на умоление,// предстательствующи присно, Богородице, чтущих Тя.



Акафист Пресвятой Богородице в честь иконы Ее «Взыскание погивших»

Кондак 1

Взбранней Воеводе победительная,
яко избавльшеся от вѣчныя смѣрти
благодатию от Тебѣ рождшагося Христа
Бога нашего и Твоим Матерним пред
Ним ходатайством, благодарственная
восписуем Ти, раби Твои: яко имущая
державу непобедимую, от всяких нас
бед и скорбных обстояний свободи,
зовущих:

Радуйся, Благодатная Богородице
Дѣво, погивших Взыскание и всех скор-
бящих Радосте.



Икос 1

А́нгел предста́тель по́слан бысть с Небесé рещи́ Богоро́дице: Ра́дуйся, Благословéнная в жена́х, предрече́нная Ма́ти Христа́, Сы́на Бо́жия. Те́мже и мы, грехми́ обремене́нии, наде́жду спасе́ния в Тебе́ улу́чивше, умíльно взыва́ем Ти:

Ра́дуйся, Бо́жие ко грéшным благо-
воле́ние; ра́дуйся, ка́ющихся пред
Го́сподем Бо́гом крéпкое засту-
пле́ние.

Ра́дуйся, па́дшаго Ада́ма воззва́ние;
ра́дуйся, слез Ёвиных изба́вление.

Ра́дуйся, грехо́вную отъёмлющая
скве́рну; ра́дуйся, ба́не, омыва́ющая
со́весть.

Ра́дуйся, ро́ждшая Избави́теля,
беззако́ния на́ша ми́лостиво
очища́ющего; ра́дуйся, всечу́дное



всех к Бóгу примирéние.

Рáдуйся, мóсте, воистину преводяй нас от смёрти к животу́; рáдуйся, мир от потóпа грехóвнаго спáсшая.

Рáдуйся, лéстнице небéсная, ёюже Госпóдь к нам снiде; рáдуйся, вина́ всех обóжения.

Рáдуйся, Благодáтная Богорóдице Дéво, погiбших Взыскáние и всех скорбя́щих Рáдосте.

Кондак 2

Вiдяще тóки чудés, излива́емая от святы́я Твоя́ икóны, Благáя Богородiтельнице, и разумёюще, я́ко Ты еси́ моля́щихся Благáя Помóщница, обiдимых Застúпница, ненадéющихся надéжда, печáльных утешéние, погiбших Взыскáние, álчущих Кормiтельница, нагiх одея́ние, дéвственных целомúдрие, стрáнных Настáвница,



труждающихся по́мощь, слепых прозрѣние, глухих благослы́шание, больных исцелѣние, благодарственне вопиѣм о Тебѣ Бóгу: Аллилу́ия.

Икос 2

Та́йну Твоего́, Богоро́дице, заступлѣния людѣй, в скóрби погибáющих, уразумѣти хотя́ще, к Тебѣ прибега́ем, о Ма́ти и Дѣво. Ты же, я́ко Благáя, научи́ны разумѣти в защи́щении Благáго Сы́на Твоего́ милосѣрдое промы́слѣние о спасѣнии душ на́ших и очищѣние мно́гих согрѣшѣний, да взыва́ем Ти ра́достно:

Ра́дуйся, обурева́емых тѣхое пристáнище; ра́дуйся, сумня́щихся извѣстное утверждѣние.

Ра́дуйся, Еди́на Ма́ти милосѣрдия; ра́дуйся, скóрая Помóщнице сýщим в бедáх и напáстех.



**Ра́дуйся, ско́рбьми грехи́ на́ша
очища́ющая; ра́дуйся, печа́лию на́ша
немо́щи душе́вныя врачу́ющая.**

**Ра́дуйся, су́етныя ра́дости презира́ти
нас науча́ющая; ра́дуйся, к вѣ́шнему
ми́ру ум наш возводя́щая.**

**Ра́дуйся, от любве́ земны́я
к Небе́сней Бо́жией любви́ нас
привлека́ющая; ра́дуйся, в са́мых
страда́ниях на́ших утеше́ние
и благода́тную жизнь нам пода́
ющая.**

**Ра́дуйся, обетова́ние благ вѣ́чных;
ра́дуйся, Хода́таице вѣ́чныя ра́дости.**

**Ра́дуйся, Благода́тная Богоро́дице
Де́во, поги́бших Взыска́ние и всех скор
бя́щих Ра́досте.**

Кондак 3

**Си́лою свѣ́ше укрепі́ мя, Блага́я
Влады́чице, недугу́ющая те́лом**



и душею, и посещения Твоего сподоби
и промысления, мрак уныния
и скорби, облегающий мя, отгоняючи,
да, спасаемый Тобою, присно воспою
Богу: Аллилуия.

Икос 3

Имуще богатство милосердия неизреченное, всем скорбящим руку помощи простираеши, недуги врачуючи, страсти исцеляючи. Не презри и мене, Благая Владычице, на одре немощи моя низлежаща и вопиющая Ти:

Радуйся, милости сокровище многоценное; радуйся, отчаянных единая надежда.

Радуйся, тела моего врачевание; радуйся, души моя спасение.

Радуйся, твердая крепосте немощных; радуйся, изнемогающих Заступнице и укрепление.



**Ра́дуйся, гнев Бóжий Тво́им моле́-
нием скóро утоля́ющая; ра́дуйся,
стра́сти на́ша си́лою моли́тв Тво́их
укроща́ющая.**

**Ра́дуйся, слепы́х зрѣние, глухы́х слы́-
шание; ра́дуйся, хромы́х хождѣние,
немы́х глаго́лание.**

**Ра́дуйся, боля́щих благонадѣжное
посещѣние; ра́дуйся, я́ко Тобо́ю, по
ме́ре ве́ры, подаю́тся благодáтная
исцелѣния всем немощствую́щим.**

**Ра́дуйся, Благодáтная Богоро́дице
Де́во, поги́бших Взыска́ние и всех скор-
бя́щих Ра́досте.**

Кондак 4

**Бу́ря мно́гих бед и напáстей обдер-
жи́т мя, и волне́ния уже́ не терплю. Ты
же, я́ко Милостивая Ма́ти Спа́са моего́
и Бо́га, воздвигни ру́це к Сы́ну Твоему́,
моля́щи Его́, да при́зрит на лю́тую**



скóрбь сёрдца моего и воздвигнет мя из пучины отчаяния, вопиющаго Ему: Аллилу́ия.

Икос 4

Слы́шащи, Пресвята́я Де́во и Ма́ти, Симеóна пра́веднаго прорече́ние: Тебе́ же Само́й ду́шу пройде́т ору́жие, слагáла еси́ в сёрдце Твоём вся глаго́лы сия, разумева́ющи, я́ко ра́дость ма́терняго сёрдца о ча́дех мно́гих печáлей в ми́ре сем бывáет причáстна. Тёмже, я́ко искуше́нней по вся́ческим и спострада́ти ма́терней скóрби, могу́щей, взывáем Ти:

Ра́дуйся, ра́дость ми́ру — Христа́ Спаси́теля ро́ждшая; ра́дуйся, мир от скорбе́й избавля́ющая.

Ра́дуйся, поноше́ние Сы́на Твоего́ терпе́вшая; ра́дуйся, страда́нием Его́ спострада́вшая.

Ра́дуйся, скóрбных матерей



утешение; радуйся, чад их благодатное охранение.

Радуйся, в бедах скорое нам заступление; радуйся, заблуждших исправление.

Радуйся, младенцев питание; радуйся, юных наставление.

Радуйся, Мати сиротствующих; радуйся, вдов заступление.

Радуйся, Благодатная Богородице Деве, погибших Взыскание и всех скорбящих Радосте.

Кондак 5

Боготочную Кровь Сына Твоего на Кресте, за спасение наше изливаемую, зрящи, яко Раба Господня, повинующися воли Отца, Иже на Небесех, нам образ злострадания и терпения явила еси, да и мы, в пещи искушений и бед



сущи, вопиём смиренно Бóгу: Аллилу́ия.

Икос 5

Вѣдя Тя Сын Твой и Бог, при Крестѣ стоящую с возлюбленным учеником и сердцем Ему сраспинающуюся, глаголаше: “Жѣно, се, сын Твой”, и ученику: “Се, Мати твоя”, всыновляя Тебѣ вся верующия в Него́. Мы же, яко общницы скорби и страданий Сына Твоего́, имѣюще в Тебѣ Благую Матерь, на Тя все упованіе в скорби возлагающе, вопиём Ти:

Рáдуйся, Мати рóда христиáнскаго;
рáдуйся, усыновѣвшая нас при
Крестѣ Сына Твоего́.

Рáдуйся, Бóга с челове́ки соеди
нѣвшая; рáдуйся, вѣрных Го́сподеви
сочета́вшая.

Рáдуйся, А́гнице, ро́ждшая А́гнца,



взѣмшаго грехи мiра; радуйся, чаше,
чѣрплющая нам радость от Источ-
ника безсмертия.

Радуйся, Споручнице спасения
грѣшных; радуйся, Взыскание
погибших.

Радуйся, нечаянная грѣшных
Радосте; радуйся, падших возстание.

Радуйся, Целительнице всех
нѣмощей; радуйся, утолѣние всякия
печали.

Радуйся, Благодатная Богородице
Дѣво, погибших Взыскание и всех скор-
бящих Радосте.

Кондак 6

Проповѣдуют милости Твоя, Бого-
мати, вси концы вселенныя, ибо
честным покровом Твоим покрываеши
весь род христианский, о нем же
присно молишися Христу Спаси-



телю нашему и избавляеши от всех бед
благонравныя и богобоящияся люди
Твоя, верно вопиющия Богу: Аллилуия.

Икос 6

Возсия́ благодать светозарная от
пречудныя иконы Твоея, Богомати,
пред нею же со слезами припадающе,
молим Ти ся: отжени́ облак нашедших
на ны искушений, да вопиём Ти
ра́достно:

Ра́дуйся, приносящая к Сыну Твоему́
и Богу моления верных; ра́дуйся,
и Самá у Престо́ла Сына Твоего́
присно молящаяся о нас.

Ра́дуйся, Предстательнице к Богу,
мир от бед спасающая; ра́дуйся,
Заступнице рода христианскаго, от
Бога нам дарованная.

Ра́дуйся, дре́во благосенноли́-
ственное, имже покрыва́ются мно́зи;



**ра́дуйся, дре́во светлоплодо́витое,
и́мже пита́ются ве́рнии.**

**Ра́дуйся, покрóве ми́ру, ши́рший
о́блака; ра́дуйся, землѣ обетова́ния,
из нея́же течѣт мед и млекó.**

**Ра́дуйся, ни́во, растя́щая оби́лие
щедро́т; ра́дуйся, Подáтельница
всякія бла́гости.**

**Ра́дуйся, Благода́тная Богоро́дице
Де́во, поги́бших Взыска́ние и всех скор-
бя́щих Ра́досте.**

Кондак 7

**Хотя́щи яви́ти то́ки чудѣс от свята́я
ико́ны Твоея́ “Взыска́ние поги́бших”,
повеле́ла еси́, Влады́чице, в поги́бели
и печа́ли сущим моле́бная пе́ния пред
то́ю соверша́ти и получи́вшим исце-
ле́ние — проповѣдати ми́лости, ра́ди
тоя́ ико́ны явле́нныя, да не сокры́т
бу́дет исто́чник благода́тных враче-**



ваний всем трéбующим. Тёмже и мы не тайм Твои́х благода́ений, но благода́рственно прославля́юще Бо́га, вопи́ем Ему́: Аллилу́ия.

Икос 7

Но́вая купе́ль Силоа́мская па́че о́ныя дрéвния яв́ися, Пречи́стая Влады́чице, храм Тво́й, в нёмже поклоня́емся чудо-твóрней ико́не Твое́й: ибо не еди́ною в ле́то и то́кмо пёрвее входя́щим здра́вие те́ла пода́еши, но вся́кий недúг и вся́кую я́зву душе́вную и телéсную врачúеши с véрою и любóвию к Тебе́ прибега́ющих. Сего́ ра́ди вопи́ем Ти:

Ра́дуйся, купе́ле, в ню́же вся́ ско́рби на́ша погружа́ются; ра́дуйся, ча́ше, ёю́же ра́дость и спасéние воспри-ёмлем.

Ра́дуйся, ка́меню, напая́ющий жа́ждущия ж́изни; ра́дуйся, дре́во,



услаждающее сланыя воды житей-
скаго моря.

Радуйся, животворныя воды неисто-
щимый Источниче; радуйся, бане,
омывающая греховную скверну.

Радуйся, скорбей наших улаждение;
радуйся, печалей наших утоление.

Радуйся, демонов попрание;
радуйся, врагов посрамление.

Радуйся, Благодатная Богородице
Деве, погибших Взыскание и всех скор-
бящих Радосте.

Кондак 8

Странники и пришельцы вси есмь
на земли сей, по глаголу апостолу:
беды от врагов, беды от сродник, беды
от лжебратии терпяще в лишениях
многих и скорбех. Ты же, Владычице,
яко Благая Путеводительница, настави



нас к тихому пристанищу и моли Сына Твоего прощению прегрешений нам прежде конца дароваться, да присно вопиём Богу: Аллилуия.

Икос 8

Все житие наше на земли болезненно и печали исполнено от клеветы, досаждения, укорения и иных многовидных бед и напастей, немощствует бо тело, изнемогает и дух наш. К Тебе убо прибегаем, Богомати, пред пречистою иконою Твоею припадающе, исполни радости и веселия скорбная сердца наша, да вопиём Ти:

Радуйся, Путеводительнице, к Небесному Отчеству нас руководящая; радуйся, Царице Неба и земли, врата райская нам отверзающая.

Радуйся, Милостивая, нас милу-



ющая; раду́йся, Домостроительнице,
жизни́е наше́ до́бре устро́яющая.

Раду́йся, руно́ ороше́нное, е́же
Гедео́н предв́иде; раду́йся,
блаже́нное чре́во, невместима́го
все́ми Бо́га вместив́шее.

Раду́йся, Неопали́мая Купи́но;
раду́йся, Неруши́мая Стено́.

Раду́йся, Живоно́сный Исто́чник;
раду́йся, Цвёте Неувяда́емый.

Раду́йся, умягче́ние серде́ц злых;
раду́йся, умиле́ние благо́их.

Раду́йся, Благода́тная Богоро́дице
Де́во, поги́бших Взыска́ние и всех скор-
бя́щих Радо́сте.

Кондак 9

Всяка́я житей́ская в ми́ре сем сла́-
дость печа́ли быва́ет прича́стна: сла́ва
не стои́т, бога́тство ми́мо течёт, ле́пота
и здра́вие увяда́ют, дру́зи и и́скреннии



смѣртію отъѣмлются. Услади́ ўбо
на́ша скѡрби, благі́х Винѡвная, Твою́
нетлѣнную даю́щи ра́дость нам, вопи-
ю́щим Бо́гу: Аллилу́ія.

Икос 9

Ветія́ многовещáнныя недоумѣют,
кѣими словесы́ скорбя́щія и поги-
ба́ющія утешáти, но Самá, Влады́чице,
возглаго́ли сердцáм на́шим утешѣние,
благодáти Твоея́ лучáми ѡ́блак скѡрби
на́шея и мрак уны́нія разгоня́юще, да
взывáем Ти:

Ра́дуйся, обра́довавшая надѣя-
нием на Тя всех христиáн; ра́дуйся,
Ра́досте и умирѣние мѣру.

Ра́дуйся, Подáтельнице Божѣ-
ственныя блáгости; ра́дуйся,
Надѣждо благ вѣчных.

Ра́дуйся, кораблю́ хотя́щих спастѣся;
ра́дуйся, пристáнище житѣйских



плаваний.

**Рáдуйся, вёрная Хранительнице
уповающих на Тя по Бóзе; рáдуйся,
одеждо нагих дерзновения.**

**Рáдуйся, Хранительнице всех
и утверждение; рáдуйся, всех
вёрных ограждение и священное
прибежище.**

**Рáдуйся, по́моще вёрно молящихся
Тебё; рáдуйся, свётлое благодати
познание.**

**Рáдуйся, Благодатная Богородице
Дéво, погíбших Взыскание и всех скор-
бящих Рáдосте.**

Кондак 10

**Спасти́ хотя́й род челове́ческий от
вечны́я му́ки и непрестаю́щия ско́рби,
Человеколюбец Госпо́дь в приснодév-
ственную утробу́ Твою́ всели́ся и Тебё́,**



**Мáтерь Свою, даровá погибáющим
в пóмощь, покрóв и защищéние,
да бúдеши печáльным утешéние,
погíбшим взыскáние, скорбящим рáдо-
вание, отчáянным надéжда, вéчныя
мúки Своím ходáтайством избав-
ляющáя и к Небéсному весéлию приво-
дящáя всех, вёрно вопиющих Сýну
Твоемú и Бóгу нáшему: Аллилúя.**

Икос 10

**Стенá еси дéвам, Богорóдице Дéво,
и всем к Твоемú покрóву прибегающим.
Тéмже мóлим Тя, заступí, покрый
и соблюди всех погибáющих и беспó-
мощных от искушéний, озлоблénий
и бед, Тебé с любóвию взывáющих:**

**Рáдуйся, стóлпе дéвства; рáдуйся,
чистоты́ и целомúдрия сосúде
избрáнный.**

Рáдуйся, воинствующим на плоть



целомудрием изрядное венчание;
радуйся, во иночестве благоскор-
бящим Подательнице вѣчнаго радо-
вания.

Радуйся, пламень страстей изме-
няющая; радуйся, мрак искушений
прогоняющая.

Радуйся, Наставнице целомудрия;
радуйся, чистоты ограждение.

Радуйся, человек исправление;
радуйся, Еюже от падения нашего
возстахом.

Радуйся, твердое веры утверждение;
радуйся, приятное молитвы кадило.

Радуйся, Благодатная Богородице
Дѣво, погибших Взыскание и всех скор-
бящих Радосте.

Кондак 11

Пение всеумиленное приносим Ти,
раби Твои, Богородице, яко всесильней



Заступнице рѡда нѡшего: утоли болѣзни к Тебѣ прибегѡющих, укроти гнев Бѡжий, праведно на ны двѣжимый грех ради нѡших, избави нас от всякѣя лютыя скорби и погѣбели, вопиющих о Тебѣ Бѡгу: Аллилуѣя.

Икос 11

Светопрѣмная свещѡ, углем благодати Бѡжѣя возжѣнная, явѣся нам пречестная икона Твоя, Владычице, на освящѣние наше и утешѣние. Мы же, любовью чтуще и с верѡю припадающе к ней, вопиѣм Ти:

Радуйся, сильным Твоим заступлением от всех бед нас избавляющая; радуйся, от труса и потѡпа нас защищающая.

Радуйся, от глѡда душевнаго и телѣснаго нас снабдевающая; радуйся, ѡгнь росѡю молитв Твоих угашающая.



Ра́дуйся, от смёртнаго губительства нас спаса́ющая; ра́дуйся, в бра́нях крёпкая Помо́щнице.

**Ра́дуйся, от нашёствия инопле-
ме́нных нас огражда́ющая; ра́дуйся,
от междоусо́бных бра́ни охра-
ня́ющая.**

**Ра́дуйся, пла́вающих лёгкое по
вода́м прохожде́ние; ра́дуйся, путе-
ше́ствующих до́брая Води́тельнице.**

**Ра́дуйся, плённых свобожде́ние;
ра́дуйся, от належа́щаго пра́веднаго
преще́ния Бо́жия ско́рое избавле́ние.**

**Ра́дуйся, Благода́тная Богоро́дице
Де́во, поги́бших Взыска́ние и всех скор-
бя́щих Ра́досте.**

Кондак 12

**Благода́ти зало́г восхоте́вши да́ти
ро́ду на́шему, цельбоно́сную ико́ну
Твою́ яви́ла еси́ нам, Богома́ти, от**



неяже токи чудес с верою приходящим
источаются, недужи врачуются и скорби
утоляются. Сего ради радостно о Тебе
вопиём Богу: Аллилуия.

Икос 12

Поюще Твоя́ милости и чудеса́,
Богородительнице, хвалим Тя вси, яко́
твёрдую Предстательницу нашу, и со
умилением поклоняёмся Тебе́, моля́
щейся о нас, и просим: воздвигни рúце
к Сыну Твоему́, да в сей жизни и по
смёрти нашей милосердие Его́ неот
ступно будет о нас, взывающих Ти:

Радуйся, непосты́дное наше
упова́ние в жити́и и по престав
лени́и нашем; радуйся, упова́ющим
на Тя мирен конёц жития́ сего́ пода
ющая.

Радуйся, в день судный наша
Надёждо и Защищё́ние; радуйся,



Судий Прáведнаго умолéние.

**Рáдуйся, геéнны вéчныя избавлéние:
рáдуйся, Надéжду вéчнаго спасéния.**

**Рáдуйся, ключú Цáрствия Христóва;
рáдуйся, двéре рáйская.**

**Рáдуйся, мóсте, к Небесém преводяй;
рáдуйся, всех кáющихся грéшников
прибéжище и Благáя Застúпнице.**

**Рáдуйся, А́нгелов Рáдосте; рáдуйся,
всех прáведных Слáво и Утешéние.**

**Рáдуйся, Благодáтная Богорóдице
Дéво, погíбших Взыскáние и всех скор-
бя́щих Рáдосте.**

Кондак 13

**О Всепéтая Богообра́дованная Мáти,
рóждшая на рáдость Нéбу и земл́и Царя́
Христá, Бóга нáшего! Услы́ши глас скор-
бя́щих раб Тво́их и, приéмши сиé малое
молéние нáше, избáви нас от вся́ких**



**бед, скорбей и напастей: недуги наша
исцели, клеветы потреби, всяку злобу
и вражду отжени от нас и будущия
изми муки о Тебе вопиющих: Аллилуйя.**

Этот кондак читается трижды.

Икос 1

**Ангел предстатель послан бысть
с Небес рещи Богородице: Радуйся,
Благословенная в женах, предреченная
Мати Христа, Сына Божия. Темже и мы,
грехми обремененнии, надежду спасения
в Тебе улучивше, умильно взываем
Ти:**

**Радуйся, Божие ко грешным благо-
воление; радуйся, кающихся пред
Господем Богом крепкое заступ-
ление.**

**Радуйся, падшаго Адама воззвание;
радуйся, слез Евиных избавление.**

Радуйся, греховную отъемлющая



**сквѣрну; радуйся, ба́не, омыва́ющая
со́весть.**

**Ра́дуйся, ро́ждшая Избави́теля,
беззако́ния на́ша ми́лостиво
очища́ющего; раду́йся, всечу́дное
всех к Бо́гу прими́рение.**

**Ра́дуйся, мо́сте, вои́стину прево́дяй
нас от сме́рти к живо́ту; раду́йся,
мир от пото́па грехо́внаго спа́сшая.**

**Ра́дуйся, ле́стнице небе́сная, е́юже
Госпо́дь к нам снѣде; раду́йся, вина́
всех обо́жения.**

**Ра́дуйся, Благода́тная Богоро́дице
Де́во, поги́бших Взыска́ние и всех скор-
бя́щих Ра́досте.**

Кондак 1

**Взбра́нней Воево́де победи́тельная,
я́ко избáвльшеся от вѣчныя сме́рти
блага́тию от Тебе́ ро́ждшагося Христа́
Бо́га на́шего и Твои́м Ма́терним пред**



Ним ходатайством, благодарственная
восписуем Ти, раби Твои: яко имущая
державу непобедимую, от всяких нас
бед и скорбных обстояний свободи,
зовущих:

Радуйся, Благодатная Богородице
Дэво, погибших Взыскание и всех скор-
бящих Радосте.

Молитва

О Пресвятая и Преблагословенная
Дэво, Владычице Богородице! Призри
милостивным Твоим оком на нас
(имена), предстоящих пред святою
иконою Твоею и со умилением моля-
щихся Тебе; воздвигни нас из глубины
греховныя, просвети ум наш, омра-
ченный страстьми, и уврачуй язвы
душ и телес наших. Не имамы иныя
помощи, не имамы иныя надежды,
разве Тебе, Владычице. Ты веси вся



нёмощи и согрешёния наша, к Тебё прибегаём и вопиём: не оста́ви нас Твоёю Небёсною по́мощию, но предста́ни нам прѣсно и Твоѣм неизрече́нным милосе́рдием и щедро́тами спасѣ и помѣлуй нас, погиба́ющих. Даруй нам исправле́ние грехо́вныя жи́зни нашея и изба́ви нас от скорбе́й, бед и болёзней, от внеза́пныя сме́рти, а́да и вѣчныя му́ки. Ты бо, Цари́це и Влады́чице, Ско́рая Помо́щница и Засту́пница еси́ всем притека́ющим к Тебё и крёпкое прибе́жище грёшников ка́ющихся. Пода́ждь у́бо нам, Преблага́я и Всенепоро́чная Дёво, христиа́нский ко́нѣц жития́ нашего ми́рен и непо́стыден и сподо́би нас Твоѣм ходата́йством вселѣ́тися в оби́телях небёсных, иде́же непреста́нный глас пра́зднующих ра́достью сла́вит Пресвяту́ю Трои́цу, Отца́ и Сы́на и Свята́го Ду́ха, ны́не и прѣсно, и во вѣки веко́в. Ами́нь.



Величание

Велича́ем Тя,/ Пресвята́я Де́во,/ Богоизбранная Отроковице,/ и чтим образ Твой святы́й,/ íмже точиши исцеления// всем с верою притека́ющим.



Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
ПТ	2:00, 8:00, 14:00, 20:00	Б. М. «Взыскание погибших» ←
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская»
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё